

Bishita Museo Arqueologico weekend di celebracion di Aña di Rey

Traha un decoracion di ‘Delfts Blauw’ mescos cu Indjannan tabata haci


DEN periodo historico Indjannan di Aruba, uzando e mesun tecnica nan pa traha artefactonan, a cuminsa incorpora materialnan nobo cu e Europeanonan a trece Aruba. E ‘Delfts Blauw’ di Hulanda tabata un di e materialnan cu e Indjannan a gusta traha cu ne pa forma por ehempel boton of traha decoracion manera hanger di dje. Den weekend di celebracion di Aña di Rey, Museo Arkeologico ta ofrece e ‘drop-in-activity’ pa grandi y chikito pa traha un decoracion di “Delfts Blauw” di gips.

Diasabra y diadomingo, entre 10 di mainta pa 2’or di merdia, Museo ta habri pa un y tur cu ta desea di mira den nos exposicion e artefactonan di ‘Delfts

Blauw’ di e periodo historico. Por mira hasta algun obheto cu e Indjannan a ‘bewerk’ pa asina nan bira boton, cralchi of hanger.

Den nos actividad den tema di ‘Collections make Connections’, e biaha aki mucha, hoben y adulto por traha un hanger di gips. Nan lo bora e pida, pinta manera ‘Delfts Blauw’, cu un herment autentico di Indjan. Cu e perforador di cocolishi aki nan lo bora e “Delfts Blauw” den e manera bi-conico, mescos cu Indjannan tabata haci.

Nos ta warda bo! Bishita Museo Arkeologico cu bo famia, completamente gratis, diasabra dia 26 of diadomingo dia 27 di April, entre 10’or di mainta pa 2’or di merdia, admira e arte-



factonan di ‘Delfts Blauw’ den nos sala di exposicion, traha

un bunita decoracion y bebe un dushi “juice di Indjan”. Museo

Arkeologico ta desea henter comunidad un feliz Aña di Rey!